



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o utvrđivanju posebnog značaja za Grad Sarajevo
za Fondaciju „Ivanka i Safet Zec“
(Prijedlog)

Predlagač: Gradonačelnica
Obrađivač: Gradska služba za obrazovanje,
sport, kulturu i mlade

Sarajevo, juli 2024. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23), kao i na osnovu člana 8. stav (1) Odluke o načinu sticanja statusa udruženja i fondacija od posebnog značaja za Grad Sarajevo („Službene novine Kantona Sarajevo“, broj 51/21), Gradsko vijeće Grada Sarajeva, na __. sjednici održanoj dana __. __. 2024. godine, donijelo je:

(Prijedlog)

**Odluku
o utvrđivanju posebnog značaja za Grad Sarajevo
za Fondaciju „Ivanka i Safet Zec“**

Član 1.

Ovom odlukom utvrđuje se da je Fondacija „Ivanka i Safet Zec“ od posebnog značaja za Grad Sarajevo, kao fondacija koja se bavi čuvanjem umjetničkog opusa Safeta Zeca te širenju svijesti o važnosti umjetnosti u društvu, što doprinosi afirmaciji grada Sarajeva, njegovoj multikulturalnosti i multietničnosti, a što predstavlja vrijednosti od posebnog značaja za Grad Sarajevo.

Član 2.

Djelatnosti Fondacije „Ivanka i Safet Zec“ finansirat će se iz sredstava Budžeta Grada Sarajeva, iznosom od 10.000,00 KM (slovima: desethiljada KM), kroz više budžetskih godina, odnosno dok Fondacija ispunjava opće i posebne uslove za sticanje statusa posebnog značaja za Grad Sarajevo, odnosno do prestanka statusa, u skladu sa Odlukom o načinu sticanja statusa udruženja i fondacija od posebnog značaja za Grad Sarajevo.

Član 3.

Nadzor nad provedbom Odluke vrši gradonačelnica Grada Sarajeva putem nadležne Službe.

Član 4.

Izmjene i dopune Odluke vrše se na način i po postupku za njeno donošenje.

Član 5.

Odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo, __. __. 2024. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 31. stav (1) tačka b) Statuta Grada Sarajeva kojim je propisano da Gradsko vijeće donosi odluke, druge propise i opće akte i daje njihovo tumačenje, kao i u članu 8. stav (1) Odluke o načinu sticanja statusa udruženja i fondacija od posebnog značaja za Grad Sarajevo, čijom odredbom je, između ostaloga, utvrđeno da Gradsko vijeće Grada Sarajeva donosi konačnu odluku o utvrđivanju posebnog značaja za određeno udruženje ili fondaciju, na prijedlog gradonačelnice Grada Sarajeva.

RAZLOZI DONOŠENJA

Fondacija „Ivanka i Safet Zec“ sa sjedištem u Sarajevu, obratila se gradonačelnici Grada Sarajeva Zahtjevom za sticanje statusa udruženja od posebnog značaja za Grad Sarajevo, protokoliranim pod brojem 14-04-5440/24 od 17.07.2024. godine. Uz zahtjev su dostavljeni dokazi o ispunjavanju općih i posebnih uslova definiranih Odlukom o načinu sticanja statusa udruženja i fondacija od posebnog značaja za Grad Sarajevo.

Fondacija „Ivanka i Safet Zec“ bavi se čuvanjem umjetničkog opusa Safeta Zeca i njegovih ličnih predmeta, a koja ima za cilj uspostavljanje galerije – muzeja sa stalnom postavkom djela umjetničke kolekcije Safeta Zeca, čuvanje, zaštitu, vrednovanje i prezentaciju Safeta Zeca, kao i podršku i pomoć mladim umjetnicima i studentima umjetnosti. Jedan od ciljeva navedene fondacije je organizacija kulturnih manifestacija, izložbi, prezentacija, simpozija, radionica, umjetničkih kolonija i sličnih događaja, kao im organiziranje ili uključivanje u međunarodne događaje u cilju afirmacije grada Sarajeva kao kulturnog, turističkog i administrativnog centra. Nadalje, Fondacija „Ivanka i Safet Zec“ pruža podršku na saradnji između fakulteta, akademija i škola umjetnosti u gradu te na taj način doprinosi jačanju tolerancije i razvoju demokratskog društva s težištem na interes građana Sarajeva, jačanje tolerancije i razvoj demokratskog društva, kao i afirmaciju urbanog identiteta.

Gradonačelnica je, u skladu sa odredbama Odluke o uslovima i načinu sticanja statusa udruženja i fondacija od posebnog značaja za Grad Sarajevo, uputila Gradskom vijeću Grada Sarajeva prijedlog da se za Fondaciju „Ivanka i Safet Zec“ utvrdi status od posebnog značaja za Grad Sarajevo.

Cijeneći naprijed navedeno, kao i Mišljenje Gradske službe za obrazovanje, sport, kulturu i mlade, broj 14-04-5440-1/24 od 18.07.2024. godine i člana 8. stav (1) Odluke o uslovima i načinu sticanja statusa udruženja i fondacija od posebnog značaja za Grad Sarajevo te imajući u vidu činjenicu da je Safet Zec najznačajniji živi slikar u Bosni i Hercegovini s više od 100 samostalnih izložbi, a da Fondacija „Ivanka i Safet Zec“ doprinosi afirmaciji grada Sarajeva, njegovoj multikulturalnosti i multietničnosti, što predstavlja vrijednosti od posebnog interesa i značaja za Grad Sarajevo, Gradsko vijeće Grada Sarajeva donijelo je ovu odluku.

FINANSIJSKA SREDSTVA

Finansijska sredstva za realizaciju ove odluke obezbjeđuju se u Budžetu Grada Sarajeva.